



BOSNA I HERCEGOVINA
VIJEĆE MINISTARA
Generalno tajništvo

Broj: 05-02-1-2629/12
Sarajevo, 13.12.2012. godine

01,02-01
13-12-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13.12.2012			
Organizaciona jedinica	Klasifikaciona oznaka	Redni broj	Broj priloga
01,02-01-53/12			

B

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

PREDMET: Prijedlog amandmana II na Ustav Bosne i Hercegovine

Vijeće ministara Bosne i Hercegovine, na 26. sjednici održanoj 12.11.2012. godine, utvrdilo je Prijedlog amandmana II na Ustav Bosne i Hercegovine, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi s navedenim, u privitku dostavljamo Prijedlog amandmana II na Ustav Bosne i Hercegovine, na bosanskom, hrvatskom i srpskom jeziku.

S poštovanjem,



GENERALNI TAJNIK

Zvonimir Kytleša

Na osnovu člana X stav 1. Ustava Bosne i Hercegovine (Aneks 4. Općeg okvirnog sporazuma za mir u Bosni i Hercegovini), Parlamentarna skupština Bosne i Hercegovine na __ sjednici Zastupničkog doma, održanoj _____ godine, i na __ sjednici Doma naroda, održanoj _____ godine, donijela je

AMANDMAN II
NA USTAV BOSNE I HERCEGOVINE

U Ustavu Bosne i Hercegovine stav 2. člana IX se briše.

Dosadašnji član IX 3. postaje član IX 2.

Amandman II na Ustav Bosne i Hercegovine stupa na snagu osmog dana od dana objavljivanja u "Službenom glasniku BiH".

PSBiH broj ____/12
Sarajevo, _____ 2012. godine

Predsjedavajući
Zastupničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

I Ustavni osnov

Ustavni osnov za promjene Ustava Bosne i Hercegovine sadržan je u članu X stavu 1. Ustava Bosne i Hercegovine, koji glasi:

„Ovaj ustav može biti mijenjan i dopunjavan odlukom Parlamentarne skupštine, koja uključuje dvotrećinsku većinu prisutnih koji su glasali u Zastupničkom domu.“

II Razlozi za usvajanje Amandmana

Ovim izmjenama, s obzirom na ukupnu ekonomsku situaciju u Bosni i Hercegovini, stvaraju se uvjeti da se s ciljem osiguravanja makroekonomske stabilnosti BiH smanji ukupno izdvajanje budžetskih sredstava na ime plaća budžetskih korisnika.

Potreba za usvajanjem ovog amandmana ogleda se i u izraženoj i naglašenoj potrebi provođenja načela fiskalne odgovornosti i osiguranja neometanog funkcionisanja institucija Bosne i Hercegovine, a čiji krajnji cilj jeste održavanje makroekonomske stabilnosti.

Kako je stavom 2. člana IX Ustava Bosne i Hercegovine propisano da se naknada za osobe koje obavljaju funkcije u institucijama Bosne i Hercegovine ne može umanjiti tokom mandata nosioca funkcije, predloženo je brisanje ove odredbe. Iz razloga što bi na sve nosioce funkcija u institucijama Bosne i Hercegovine trebalo da se odnose promjene nastale u ekonomskim i socijalnim prilikama dat je prijedlog za izmjenu Ustava Bosne i Hercegovine.

III Obrazloženje predloženog rješenja

Vijeće ministara Bosne i Hercegovine je na svojoj 13. sjednici, održanoj 12.07.2012. godine, upoznato sa zaključcima Doma naroda Parlamentarne skupštine Bosne i Hercegovine, donesenim na 18. sjednici tog doma, te je donijelo zaključak kojim je Ministarstvo pravde Bosne i Hercegovine zaduženo za realizaciju zaključka povodom razmatranja Prijedloga amandmana II na Ustav Bosne i Hercegovine, a koji se odnosi na brisanje stava 2. člana IX Ustava Bosne i Hercegovine.

Postupajući po navedenom zaključku, Ministarstvo pravde Bosne i Hercegovine je pripremio Prijedlog amandmana II na Ustav Bosne i Hercegovine, u smislu zaključka.

Predloženo rješenje podrazumijeva mogućnost smanjenja javne potrošnje i na način da se naknada za osobe koje obavljaju funkcije u institucijama Bosne i Hercegovine može umanjiti u vrijeme mandata tih osoba.

Ovakvim rješenjem se postiže i jača fiskalna odgovornost, što utječe i na osiguranje makroekonomske stabilnosti Bosne i Hercegovine.

IV Potrebna finansijska sredstva

Za implementaciju ovog amandmana nije potrebno osigurati dodatna finansijska sredstva.